



Perpinhan, lo 22 d'octobre de 2020

---

## COMUNICAT DE PREMSA

---

# LA REGION OCCITÀNIA PREN LO RELAI DE LA PRESIDÈNCIA DE L'EUROREGION

**La nòva presidenta de l'Euroregion Pirenèus-Mediterranèa, Carole Delga, met l'accent sus l'implicacion dels ciutadans e mai particularament dels joves per portar a tèrme las missions de cooperacion territoriala que s'inscriuràn dins la continuitat del bilanç plan positiu resultat de la presidéncia del Govèrn de las Illas Balearas.**

Carole Delga, presidenta de la Region Occitània/Pirenèus-Mediterranèa, Francina Armengol, presidenta del Govèrn de las Illas Balearas, e Pere Aragonès, vicepresident del Govèrn en substitucion de la presidéncia de la Generalitat, Conselhièr d'Economia e de las Finanças de Catalonha, s'acampèron aqueste dijòus 22 d'octobre per tal de realizar la passacion de presidéncia de l'Euroregion Pirenèus-Mediterranèa, en prene, la Region Occitània, lo relai del Govèrn de las Illas Balearas.

Lo bilanç fòrça positiu establìt pels representants, amb en tèssta lo Govèrn de las Illas Balearas, mòstra lor satisfaccion per çò qu'es de la plaça qu'a presa l'Euroregion coma pòl de cooperacion territoriala dins lo bacin mediterraneu e en Euròpa, çò qu'atèsta de la volontat fòrta e reïterada d'engatjament dels tres membres. Aquò se pòt veire dins los grands axes qu'orientèron la presidéncia del GOIB, "amb e pels ciutadans", a saber l'innovacion e la durabilitat, tot particularament en matèria de torisme e d'environment. O demòstran de projèctes d'envergadura europèa tales coma PSAMIDES o darrièrament Wat'SaveReuse, pilotat per l'EPM per la reutilizacion e la reduccion de la consumacion d'aiga dins lo sector toristic. Los aspèctes culturals e lingüistics que fan la riquesa del territòri euroregional constituïsson un autre pilar dels projèctes desenvolopats.

Totes los responsables qu'intervenguèron soslinhèron l'importància de la capacitat d'adaptacion e de resiliéncia de l'entitat qu'a creat un Fons de sosten de 700.000€ per lutar contra los impactes economics de la crisi engendrada per la COVID-19.



De son costat, Carole Delga s'estaquèt a soslinhar los punts que rapròchan los tres territòris abans d'enonciar divèrses enjòcs que devon contribuir a definir la fuèlha de rota a venir de l'Euroregion, a l'asuèlh de 2030. En mai de l'accion comuna en responsa a aquesta crisi sens precedent, insistiguèt sul fait que l'EPM, possiblament alargada, se deu situar al mai pròche de las ciutadanas e dels ciutadans, e mai particularament dels joves. Portaira de projèctes, l'Euroregion deurà contribuir a menar de solucions als desfisses de la mobilitat, dels torismes, de l'agricultura, de las lengas e de la cultura.

Los responsables politics de Catalonha, de las Illas Balearas e de la Region Occitània se mostrèron unanimes per felicitar las diferentas còlas, e desiran poder far créisser encara mai lor cooperacion.

### **L'Euroregion Pirenèus-Mediterranèa (EPM)**

Creada en 2004 e amb sèti a Perpinhan, l'Euroregion Pirenèus-Mediterranèa a per tòca d'èsser un pòl de desvolopament durable basat sus l'innovacion, l'integracion sociala, ambientalala e economica del territòri mas tanben de bastir una Euròpa unida, solidària e pròcha dels ciutadans.

L'EPM a tanben per objectiu de consolidar l'influéncia de las regions sòcias dins lo panorama europèu, de contribuir d'un biais actiu a lors politics e d'aver una capacitat de mobilizacion a l'esgard dels fonses europèus en favor de sos territòris.

D'un autre costat, l'Euroregion participa d'un biais actiu a la preparacion e la mesa en òbra de las politics europèas notadament dins l'encastre de la nòva politica de coesion 2021-2027.